



ID .1213

CONSELLERÍA DE AGRICULTURA,  
GANDERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrochán  
OURENSE

Na sesión celebrada na data que se indica, adoptouse o seguinte

A C O R D O :

Na cidade de Ourense, a vinteseite de abril de mil novecentos noventa e cinco.

VISTO o expediente de clasificación do monte como veciñal en man común denominado "OUTEIRO DE CHORENTE".

RESULTANDO que con data 12 de maio de 1992, tivo entrada na Delegación Provincial da Consellería de Agricultura, Gandería e Montes en Ourense, escrito dirixido ó Xurado Provincial de Montes Veciñais en Man Común asinado por D. Ramón Cid Fernández e once persoas máis, todos eles veciños da parroquia de Santiago de Folgozo (Concello de Allariz), solicitando se declare o monte como veciñal en man común.



RESULTANDO que o Xurado Provincial en sesión celebrada o día vinte de xullo de mil novecentos noventa e dous, acordou tomar en consideración o citado escrito e inicia-lo expediente de



CONSELLERÍA DE AGRICULTURA,  
GANDERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrechán  
OURENSE

clasificación do monte designando instructores do mesmo a D. Manuel Bouzas Costa e D<sup>a</sup> Elena Barca Ramos, quenes aceptaron tal cargo, librándose mandamento para a anotación preventiva no Rexistro da Propiedade de Allariz, e remitíndose comunicacións dirixidas ós veciños do pobo , ó Sr. Alcalde- Presidente do Concello de Allariz, ó Xefe do Servicio de Montes e Industriais Forestais, publicándose edicto no Diario Oficial de Galicia nº 215 do martes, nove de novembro de 1993 e no taboleiro de anuncios do Concello de Allariz, segundo consta en dilixencia extendida ó dorso do edicto polo Secretario do Concello de Allariz, que durante o prazo sinalado en edictos para que os interesados poidan comparecer ou intervir no mesmo, en defensa dos seus dereitos, non consta presentada nengunha alegación.



RESULTANDO que con data 14 de maio de 1993, a anotación preventiva de iniciación do expediente practicouse no Rexistro da Propiedade de Allariz como segue: Letra A ó folio 26 do libro 76 de Allariz, Tomo 328 do Arquivo, finca 9.866.

RESULTANDO que na tramitación do expediente cumpríronse tódalas formalidades legais.



CONSELLERÍA DE AGRICULTURA,  
GANDERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrechán  
OURENSE

VISTOS, a Lei Galega 13/1989, do 10 de outubro, de montes veciñais en man común e o seu Regulamento de 4 de setembro de 1992, así como o establecido na Lei 30/92, do 26 de novembro, de réxime xurídico das Administracións Públicas e do Procedemento Administrativo Común e demais normativa de aplicación.

CONSIDERANDO que o Xurado Provincial de Clasificación de montes veciñais en man común, ten xurisdicción e competencia para coñecer-los expedientes de clasificación dos montes que teñan tal carácter a teor do establecido no artigo 9 da citada Lei.



CONSIDERANDO que o tipo de comunidade xermánica que institúe a Lei de Montes Veciñais en man común ten como características esenciais as seguintes: 1) Que os condminos únense por vínculos persoais de vecindade agrupados en parroquias, aldeas, lugares, caseríos ou barrios non constituídos formalmente en entidades municipais; 2) Que polo tanto o número de titulares é variable e indeterminado; 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cuota no sentido xurídico - romano; 4) Que o patrimonio e a participación é inalienable, imprescriptible e inembargable; e 5) Que a comunidade é indivisible, non podendo os comuneiros pedi-la "actio communi dividundo".



CONSELLERÍA DE AGRICULTURA,  
GANDERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrechán  
OURENSE

CONSIDERANDO que segundo informacións e testimonios resulta que o monte citado é aproveitado e posuído en réxime de comunidade xermánica polos veciños da parroquia de Santiago de Folgoso, no Concello de Allariz.

Os datos do citado monte son:

- Concello: ALLARIZ.
- Denominación: OUTEIRO DE CHORENTE.
- Superficie: 4 Has. e 80 áreas, aproximadamente.
- Lindeiros:
  - N.: Perfecto Vázquez e outro.
  - S.: Alfonso Barado.
  - E.: Carmen Vázquez e outros.
  - O.: Camiño de Allariz



CONSIDERANDO que das informacións recollidas resulta que os veciños da parroquia de Santiago de Folgoso (Concello de Allariz), están conformes coa clasificación do citado monte como veciñal en man común.

CONSIDERANDO que a teor do disposto na Lei de Montes Veciñais en Man Común, o expediente de clasificación iniciouse



CONSELLERÍA DE AGRICULTURA,  
GANADERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrechán  
OURENSE

por Acordo do Xurado, a instancia dos veciños da parroquia de Santiago de Folgoso (Concello de Allariz) para que este Xurado poidera acorda-la iniciación do expediente de clasificación.

O XURADO PROVINCIAL DE CLASIFICACION DE MONTES VECIÑAIS EN MAN COMUN á vista dos antecedentes e fundamentos expostos e por unanimidade dos seus membros.



A C O R D A :

PRIMEIRO.- CLASIFICA-lo monte denominado "OUTEIRO DE CHORENTE" de 4 Has. e 80 áreas de superficie a favor dos veciños da parroquia de Santiago de Folgoso, no Concello de Allariz, e cos lindeiros descritos no Considerando terceiro, como veciñal en man común, en réxime de comunidade xermánica.

SEGUNDO.- Que se proceda á exclusión do citado monte de calquera inventario, catálogo ou Rexistro público no que poidan figurar inscritos a favor da persoa ou entidade distinta á que agora se asigna a súa pertenza.

Notifíquese esta Resolución ó Sr. Alcalde- Presidente do Concello de Allariz, ó representante da Comunidade veciñal,



CONSELLERÍA DE AGRICULTURA,  
GANDERÍA E MONTES  
DELEGACIÓN PROVINCIAL

XURADO PROV. DE MONTES VECIÑAIS EN MAN COMÚN

Rúa Progreso, 161 - Entrechán  
OURENSE

ó Sr. Xefe do Servizo de Montes e Industrias Forestais, ós que se lles fará saber que contra esta resolución, que esgota a vía administrativa, poderase interpoñer recurso contencioso - administrativo, previa a comunicación á que se refire o artigo 110.3º da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, perante a Sala do Contencioso - Administrativo do Tribunal Superior de Xustiza de Galicia no prazo de DOUS MESES, contados a partir do día seguinte ó da publicación da presente resolución

no Diario Oficial de Galicia.



